



Na osnovu člana 13. Pravilnika o izvršavanju rada za opće dobro na slobodi, ("Službene novine Kantona Sarajevo", broj: 24/10), dana 17.05.2021.godine, u Sarajevu, između Ministarstva pravde i uprave Kantona Sarajevo, sa sjedištem u Sarajevu, Ulica Reisa Džemaludina Čauševića 1/1, koga zastupa ministrica Lejla Brčić i Javne ustanove Terapijska zajednica Kampus Kantona Sarajevo, sa sjedištem u Rakovici, Ulica Iznad sela Kešelji bb, koju zastupa direktor Hase Tirić, zaključuje se sljedeći:

U G O V O R O IZVRŠAVANJU RADA ZA OPĆE DOBRO NA SLOBODI

Član 1.

Strane potpisnice ovog Ugovora, konstatuju postojanje zajedničkog interesa za izvršavanje rada za opće dobro na slobodi, koji se sastoji u obezbjeđenju postizanja svrhe i posebnih ciljeva rada za opće dobro na slobodi i besplatnog rada osuđenih lica u korist Javne ustanove Terapijska zajednica Kampus Kantona Sarajevo, prilikom izvršenja sudske odluke o zamjeni kazne zatvora, radom za opće dobro na slobodi.

Ovim Ugovorom, koji će važiti u periodu od 17.05.2021. godine, do 17.05.2022. godine, Ministarstvo pravde i uprave Kantona Sarajevo i Javna ustanova Terapijska zajednica Kampus Kantona Sarajevo, regulišu međusobne odnose vezane za izvršenje sudske odluke o zamjeni kazne zatvora, alternativnom krivičnom sankcijom – radom za opće dobro na slobodi.

Član 2.

Ministarstvo pravde i uprave Kantona Sarajevo, u skladu sa odredbama Pravilnika o izvršavanju rada za opće dobro na slobodi, (u daljem tekstu Pravilnik), upućuje lica kojima je sudskom odlukom izrečena alternativna krivična sankcija rad za opće dobro na slobodi, na izvršavanje predmetne sankcije u Javnu ustanovu Terapijska zajednica Kampus Kantona Sarajevo.



Javna ustanova Terapijska zajednica Kampus Kantona Sarajevo će osuđenima, koji su upućeni u skladu sa Pravilnikom i ovim Ugovorom, omogućiti izvršavanje alternativne krivične sankcije rad za opće dobro na slobodi.

Član 3.

Osuđeno lice, koje Ministarstvo pravde i uprave Kantona Sarajevo, na izvršavanje alternativne krivične sankcije rad za opće dobro na slobodi, upućuje u Javnu ustanovu Terapijska zajednica Kampus Kantona Sarajevo radiće, vodeći računa o sposobnostima i znanjima osuđenog, na poslovima koji su za izvršavanje rada za opće dobro na slobodi, predviđeni u ovoj javnoj ustanovi.

Rad će se obavljati na teritoriji Kantona Sarajevo.

Član 4.

Neposredan nadzor nad izvršavanjem rada za opće dobro na slobodi, vrše povjerenici za izvršavanje rada za opće dobro na slobodi ispred Javne ustanove Terapijska zajednica Kampus Kantona Sarajevo, uposlenici ustanove.

Prava, obaveze, odgovornosti i poslovi povjerenika su definisana Pravilnikom i Uputstvom o načinu rada, odgovornosti i obučavanju povjerenika ("Službene novine Kantona Sarajevo", broj: 28/10).

Član 5.

Javna ustanova Terapijska zajednica Kampus Kantona Sarajevo će u periodu važenja ovog Ugovora, primati na izvršavanje alternativne sankcije rad za opće dobro na slobodi, do 20 osuđenih lica, istovremeno.

Ukoliko osuđeno lice, upućeno na izvršavanje alternativne krivične sankcije rad za opće dobro na slobodi, zanemaruje izvršavanje rada za opće dobro na slobodi, Javna ustanova Terapijska zajednica Kampus Kantona Sarajevo, o tome bez odlaganja obavještava Ministarstvo pravde i uprave Kantona Sarajevo, te može tražiti u skladu sa članom 27. Pravilnika, da se ovaj Ugovor ne primjenjuje na to osuđeno lice.



web: <http://mpu.ks.gov.ba>
e-mail: mpu@mpu.ks.gov.ba
Tel: + 387 (0) 33 562-083,
Fax: + 387 (0) 33 562-241

Sarajevo, Reisa Džemaludina Čauševića 1



Član 6.

Poslodavac, Javna ustanova Terapijska zajednica Kampus Kantona Sarajevo, obavezna je da na radno vrijeme osuđenog lica, odmor u toku rada, dnevni i sedmični odmor i upotrebu sredstava zaštite na radu, primjenjuje opće propise o radu i zaštiti na radu i opšte akte poslodavca.

Poslodavac osigurava osuđeno lice od nezgoda na poslu i profesionalnih oboljenja za vrijeme izvršavanja rada za opće dobro na slobodi.

Osuđeno lice je odgovorno za štetu koju, namjerno ili grubom nepažnjom, prouzrokuje poslodavcu u vrijeme izvršavanja rada za opće dobro na slobodi.

Član 7.

Ovaj Ugovor se zaključuje i trajeće u periodu od godinu dana.

Izmjene Ugovora se mogu vršiti uz obostranu saglasnost potpisnika.

Ugovor prestaje da važi istekom roka na koji je sklopljen.

Član 8.

Ovaj Ugovor je zaključen u 4 primjeraka, od čega svaka strana zadržava po 2.



35-01-01-649/1/21

Broj: 03-02-09-21150/21
Sarajevo, 17.05.2021. godine,



web: <http://mpu.ks.gov.ba>
e-mail: mpu@mpu.ks.gov.ba
Tel: + 387 (0) 33 562-083,
Fax: + 387 (0) 33 562-241
Sarajevo, Reisa Džemaludina Čauševića 1

